proposta para unificar a imagem gráfica das sementes

logo base duas cores



logo base p/b









logo base umha cor







tipografias www.pt.fonts2u.com

dejavu serif escola de ensino galego

ubuntu

tipografias parágrafo e títulos

ubuntu

dejavu serif

O Necoras Eduardo Puente Carracedo

Eduardo Ponte Carracedo naceu em Compostela o 17 de marco de 1886.

Naquele tempo o ambiente conservador e clerical invadia-o tudo. A cúria era a mais importante instituiçom da Compostela peregrina. Apesar disso, na universidade, continuava a later o espírito libertário de Antolim Faraldo e o pensamento utópico de Ramom Da Sagra.

Eduardo Ponte começa a definirse como livre pensador. Os sucesos da Semana Trágica de Barcelona, que acabam com o fuzilamento do anarquista Francisco Ferrer, marcarám-no para sempre.

O 11 de Janeio de 1912 a imprensa informa que Eduardo Ponte será julgado por ter raptado a sua namorada Adela Garcia, para casar. Segundo contam a família da namorada opunha-se ao casamiento.

O 27 de outubro 1912 a imprensa regional informa que "Eduardo Ponte estando bébedo maltratou um Guarda Municipal no Campo de Santa Susana, em Compostela"

Condenado a dous anos, embarca para Buenos Aires antes de ser encarcerado. No barco trabalha de padeiro e inícia um protesto por causa das condiçons laborais. A Argentina na altura estava convulsionada. As ideias anarquistas e socialistas eram as predominantes no movimento operário. Dous de cada três habitantes daquela cidade eram imigrantes: galegos, italianos, polacos, rusos... De todos os cantos da velha Europa, chegavam con sonhos de redençom. Eduardo Ponte traslada-se até ao sul argentino.

Nos portos do sul da Patagónia as condiçons de trabalho eram muito duras. Existiam grandes latifúndios onde se criavam as ovelhas para depois lhe tirar a lá e a exportar a Europa. O trabalho era à intempérie com dez ou vinte graus sob zero.

Osvaldo Bayer, quem estudou os trágicos acontecementos da Patagónia, é o primeiro em nos contar da presença de Eduardo Ponte nas loginquas terras argentinas: "O 18 de abril de 1918 declara-se a greve geral em Puerto Deseado. Os primeiros em parar som os empregados da Anónima e de Stubenrauch y Cía. E de outras casas de comércio, polas condiçons de trabalho. Os grevistas som apoiados polos ferroviários da linha Deseado – Las Heras. Arrestam Eduardo Ponte, Joám Varela, Manuel Figueira e Ramom Igrejas.. Todos galegos e anarquistas.

A greve geral em Deseado durará três días. Eduardo Ponte sairá absolvido.

Eduardo Ponte tem 32 años, há 17 que está no país, de professom escultor e dirigiu o jornal "subversivo" Sud Oeste.

A situaçom de Ponte em Deseado era muito difícil, já que a polícia o controlava dia e noite. O "Gayego" decide trasladar-se à outra parte da cordilheira e instala-se na cidade chilena de Punta Arenas. Daí a pouco segundo relata Bayer encontramo-lo mais umha vez encabeçando umha luita operária: "O 30 de dezembro de 1918, Punta Arenas vivia umha jornada de sangue e dor. A Federaçom Obreira de Magalhaes declarara a greve geral polo alto custo da vida. O paro foi total. O dia anterior, a organizaçom operária chamou toda a vila a se reunir na praça. A coluna organizouse no local da Federaçom e marcha até à praça. Estava encabeçada por três dirigentes: Ponte, López e Olea". A

repressom nom demorou, acabando a greve com mortos e feridos. A polícia detivo os três cabecilhas às poucas horas e fôrom trasladados ao buque de guerra "Zenteno".

Com a detençom de Eduardo Ponte, o mais combativo dos lideres sindicais, produze-se um braço de ferro entre a Federaçom Operária e os militares que acaba com a sua expulssom. Os primeiros dias de 1919 é deportado polas autoridades chilenas a Río Gallegos.

A Federaçom Operária de Río Gallegos estava convulsionada, dumha banda seguia-se com grande expectativa os acontecementos das greves da fábrica Vasena (Semana Trágica). Por outra parte estavam detidos na cidade o famoso anarquista Radowizky, quem se evadira da cadeia. Estava tambén detido o jornalista de La Protesta, Apolinário Barrera, quem organizara a fugida da prissom. Ambos anarquistas fôrom detidos em Chile e levados a Río Gallegos. Radowizky foi trasladado em barco a Ushuaia, enquanto Barrera estava detido na esquadra da cidade. A Federaçom Operária estava no meio dos preparativos para convocar umha greve geral pola liberdade de Barrera.

O 8 de Janeiro Eduardo Ponte encontrava-se reunido com 15 sindicalistas. É detido e trasladado para o buque da armada Piedra Buena, o qual o levou directamente para o cárcaro de Usbuaja.

Depois da detençom de Ponte, produze-se o processamento da direcçom sindical, o que gera umha situaçom de mobilizaçom política, pola liberdade de Ponte, Barrera e os demais dirigentes sindicais.

Os protestos da Federaçom fôrom em vam e Eduardo Ponte foi trasladado ao cárcere mais austral do mundo. Depois de passar umha longa temporada em difíceis condiçons é expulso, aplicando-lhe a lei de residência, empregada contra extranxeiros com ideias anarquistas ou socialistas.

Eduardo é trasladado num barco do sul argentino até ao porto de Vigo e de alí traslada-se até à sua Compostela natal.

Quem conhece Eduardo Ponte ao seu regresso de América, o recorda como um gajo fornido, inteligente, intransigente e com sona de grande bebedor. "Anti-clerical incorregível e ovelha negra dumha família acomodada de padeiros estabelecidos no campo das Hortas. Um dia decidiu que nom era a sua missom neste mundo continuar a profissom dos seus parentes e preferiu montar um local mais de acordo com o seu gosto, um bar, ao que pujo de nome O Inferno. Eduardo casara com una senhorita da Corunha de alta posiçom que ao pouco o abandonou por incompatibilidade pessoal".

Em 1921 participa junto ao conhecido militante comunista José Silva num conflicto operário como assessor do Sindicato de Padeiros "La Espiga" pertencente à CNT.

Segundo noticia do jornal Galicia de Vigo, de 22 de abril de 1923: "O vezinho de Compostela, Eduardo Ponte Carracedo, lança um manifesto onde declara que animado polos seus amigos decide apresentarse às eleiçons legislativas polo distrito de Compostela"

A família de Eduardo era de formaçom republicana, e o seu irmám António, era vocal da Junta Directiva do Centro RepUblicano de Compostela.

Apesar das ideias anarquistas, Ponte é um libre pensador que tentava escapar de formas rígidas de organizaçom. Estas ideias enfrentárom-no aos próprios anarquistas da CNT, tendo às vezes fortes enfrentamentos

Segundo conta o historiador José Antonio Tojo Ramalho no seu livro Testemunhos dumha repressom que": O Nécoras era conhecido polas suas actividades anti-clericais que tinham a sua origem em que umha familiar sua tinha mantido relaccons com um conhecido cônego compostela-

no, resultado das quais, após posterior aborto, morreu desangrada por umha hemorrágia.

A vinganza do Nécoras nom demorou: quando um padre passava por ele, as mais vulgares barbaridades saíam por boca de Eduardo na honra do sacerdote, e a sua maior diversom era desfazer quantas procissons passavam pola Rua do Vilar.

Em 26 de julho de 1931, no comício da Alameda em Compostela pola greve do caminho-de-ferro, que derivaria numha multitudinária manifestaçom que destitui as autoridades e proclama a República Galega, Eduardo Ponte intervém junto com outros dirigentes como Antom Alonso Rios ou Campos Couceiro. O seu discurso é ovacionado polos assistentes. Ponte rejeita os aplausos dezindo: "deviam todos os ciudadans galegos concentrar no coraçom e no cerebro essa força espontánea que lhes fai bater as maos. Que essas maos sejam utilizadas para enforcar os traidores. Acabou pidindo "Umha Galiza soviética se fai falta.

A sua popularidade convertia-o numha personalidade muito querida polos trabalhadores. Durante toda a segunda república foi una constante referência política em Compostela. Durante os acontecementos da revoluçom de Astúrias foi detido junto a centenas de militantes de esquerda.

O Nécoras convertera-se num verdadeiro personagem de Compostela, a dereita havia muito tempo que o tinha na sua mira. Com o "alçamento" do general Franco a falange volcou-se à caça dos indefensos republicanos. As cárceres fôrom enchendo-se com simpatizantes do Frente Popular e polas valetas das estradas apareciam dezenas de cadáveres. de "passeados" pola noite.

Eduardo Ponte foi detido e levado ao cárcere de Rajói. Alí estavam o Doutor Comesanha, Dias Balinho, Gerardo Dias Egypandes etc.

"Ao Nécoras nom o procesárom. Um dia metérom-no num combóio: ía confinado para Leom. No caminho baixou do combóio para agachar-se e entom começou a sua tragédia, escapando de cabouco para fugir por pouco das gadoupas da morte. Era muito díficil daquela poder estar agachado, pois ninguém quería ter na sua casa um perseguido: o medo matava todo sentimento e já nom tinham valedeiro a amizade nem o parentesco. Por isso o encontrárom e non lhe dérom opcom: matárom-no ao vê-lo, disparárom a mansalva contra um homem famento e dasarmado, fôrom muitas balas as que atravessárom o seu corpo. Pugérom o cadaver cheio de sangue num camiom aberto e trouxéromno para Compostela; os fascistas com os fuzis assassinos nas maos em alto, entrárom na cidade cantando ledos o Cara al Sol, como se vinhessem dum safári. E así fijo o Nécoras a derradeira entrada na cidade em que nacéu e vivéu com tanta intensidade".

Sobre o assassinato de Eduardo Ponte existem várias versons convertindo a sua morte quase numha lenda. Umha diz que foi assassinado na porta da sua casa. Umha outra que durante o levantamento militar procurou refúgio na casa duns amigos, os Peleteiro, em Sam Domingos, onde foi encontrado e posteriormente assasinado. A terceira versom conta que pudo escapar até Roxos, escondendo-se num moinho. Depois de passar alguns dias decide voltar a Compostela onde é localizado no túnel da Ponte da Rocha após passar dous dias tentando que alguém o pudesse esconder.

O que sim fica claro é que aquele velho militante sindical da Patagónia Austral foi assassinado cobardemente polos "valentes" falangistas, que nom perdonárom a Eduardo Ponte o seu ódio visceral por todo o que cheirasse a reaccionário.


















insistindo:











os centros

A proposta consensuada por todas as Sementes entre as opçons legalmente recomendadas é **Projeto Educativo Semente**.



inserçom comarca



2xT

minúscula

dejavu serif

pantone 398 / todo em minúsculas ajustado à direita / tamanho 2xT

...em caso de ter um só centro:



...em caso de ter mais de um:



Para as actividades organizadas por umha Semente local, o nome a utilizar é a denominaçom Semente acompanhada do nome da localidade/comarca, por exemplo



Para as actividades organizadas pola Semente a nível nacional, o nome a utilizar é **Escola de Ensino Galego Semente**



Para os fillos de Galicia

Fundar e soster escolas en Galicia é obra zante, patriética.

Galegos: Si este nome que levamos desde que nascemos ten de servirnos d-orgulo, estamos na obriga d-axudar e propagar o desen-

rolo das Escolas do Insiño Galego.

Porque si é obra santa e patriótica o fundar e soster escolas que rediman ao pobo galego da iñorancia en que está sumido, moito mais patriótica e mais santa ten de ser si estas escolas han de servir para inculcar nas xeneraciós futuras a verdadeira concencia galega.

Non II-abonda a Galicia qu-os seus fillos

seipan lêr i-escribir.

Galicia percisa qu-os seus fillos lean i-escriban n-a sua Fala para qu-a sintan; qu-estuden n-a sua Xeografia para qu-a coñezan, e coñecéndoa quéiran-a; que lles digan das grorías d-os seus homes para honral-os; que beban nas fontes da sua Tradición, da sua Cultura e da sua Arte para qu-as continúen sin influenzas alleas e que seipan pol-a sua Historia dos aldraxes e das persecuciós de que foi vitima.

Esto é o que fai a «Irmandade da Fala» ao crear as Escolas do Insiño Galego, cuias Bases acompañamos.